



謹齋詩稿

淮海 許志進

丙申年中

為滋菴舍人題澤州相國詩卷後次元韻 有序

陳文貞公五言古詩一篇凡二十六韻乃丁卯官冢宰時誦滋菴舍人者也滋菴初貢成均以文學見知於冢宰贈詩觀縷家學傾倒於射陵先生兼懷止瀾孫學士湖洄之切三致意焉今三先生相次即世而滋菴蕭然窮困已稱杖國之老頃出墨蹟見示蓋不勝知己疇昔之感因屬余廁名其後文貞為余辛未座主三十年中受知最厚白髮門生青燈相對九原可作愴然興懷滋菴其謂之何

宋子昔觀國聲價騰九州  
攄文茂賈董力學攀軻丘  
飫古貪味永汲深持縵修名  
賢紛倒屣識面爭先謀京  
邸常杜門百氏供冥揆  
歸然陳夫子好士無匹儔  
君叨特



達知有如蘇與歐長懷孫學士伐木聲相求徵君遺世  
人高蹈激頽流矢詩三致意道里阻且悠鼎鼎三君子  
相次爲天遊楚些歌歸來迸淚那可休遺篇秘篋筭珠  
玉明雙眸策礪見性情膠漆比綢繆而君老貧賤寧非  
吾黨羞美好自陳平騰上仍馬周棄擲百寮外蹭蹬三  
十秋慈幃百歲樂每懷甘旨憂龍文千鍛鍊終謝繞指  
柔飢鳶嚇腐鼠掉頭風馬牛今年來過我艇子繫芳洲  
示我知己言恭敬生偃僂九原隨惠思倚聲發長謳宰  
相系年表倒指誰最優盡醉吐雄談鉛水瀉金甌嗤彼  
媚疾人臭味殊薰蕕

端午後一日過丹厓舍見顧天石挽詩愴然步其  
韻

草玄亭在重經過感逝傷離髮可皤徑有花香留滌茗  
門餘雀噪莫張羅鳳毛剩是丹山質芻束空悲薤露歌  
哀樂中年懷抱減郭池簫鼓汎清波

題韋齋秋山學圃圖即步元韻兼懷匠門秀野兩  
太史四首

烟波不羨五湖漁抱甕爲畦傍小渠山抹晴嵐浮草樹  
月澄秋水浸琴書灌園且共於陵婦行菜無煩下澤車  
自有韭蔬供大嚼肯將珪組換犁鋤

樊須甘學小人為董傳何心竟不窺種菜也煩經國手  
折腰寧賸買山資

韋齋官永新以廉潔著名

儒酸夢破餘虜甕貧女悲

深惜露葵我欲從君事老圃十年筋力未云衰

一編春樹託聯吟遊倦依然返故林狂態厭求侯霸益  
機心轉怕漢陰深閔追柳永翻新曲醉笑揚雄作酒箴  
耕鑿儘堪忘帝力五風十雨野夫心

秋山遶郭綠堪延碧樹嘉蔬勝地傳歌板風流雲水外  
詩篇重叠酒樽前金門囊粟羈方朔斗邑牛刀困小鮮  
他日宦成期共隱水東添買數弓田

秀野以翰林轉外故有第六句云

贈楊掌翁

合樂棄黃鍾考宮扣瓦缶空谷置姬姜金屋貯里母楊  
翁名世彥卑官困馬走飽食珠湖魚痛飲秦郵酒吟詩  
矜變調佳處悅衆口皤然七十齡尚墨纏腰綬監州有  
蟹鄉未肯閒兩手舒嘯文游臺高歌盡五斗人生但行  
樂名位夫何有

陪韋齋涵清軒納涼和即席韻九首

百頃天光浸玉漪湖山佳麗舊稱奇風軒水檻全銷暑  
披拂垂楊面面吹  
袒衣盡日集名園絲竹聲調靜不喧轟飲却嫌河朔鄙  
清音一髮繞清樽

狗竇從窺闥任排囂塵隔斷水雲厓狂歌痛飲皆名士  
便不能詩已自佳

驚人十韻獨先敲食指搖搖啖異肴解識酸鹹滋味外  
差堪藜腹飫天庖

水榭憑虛共御風殊嫌聒耳噪禽蟲細聽小海吳儂曲

嚼徵含商迥不同

韋齋精於音律酒  
酣度曲絕出時流

身世冥鴻萬古輕捋鬚流涕攬歌聲酒狂樂死英雄事  
擁鼻寧堪詠雒生

空水澄鮮岸上舟習池山簡共清遊何當銷夏灣頭住  
坐看雲峰碧浪浮

催詩雲送雨靈靈向晚涼多月色添罷酒停歌茶話好  
未妨同作賈胡淹

放浪渾宜我輩人都忘誰主復誰賓涵清軒外天如水  
盡醉題詩滿綠筠

訓韋齋報謝元韻兼寄示匠門北溟諸子

謝公逸興寄絃匏未怕南山更獻嘲威鳳翱翔驚燕雀  
臥龍吟坐愛衡茆他鄉作客悲王粲此日低頭拜孟郊  
鵬翼天風搏九萬芥舟杯水滯堂坳花間脫帽初分席  
竹外追涼盡解苞把臂都爲天下士忘形舊訂古人交  
樂循典論傾三雅陋似平津設一肴豈有珍烹供大嚼

韋齋雄飲善啖音律獨精  
詩才最健故後半多及之

未應上客置中庖舌存儘足娛諧謔

耳熱何妨恣叫呶游好金門仍索米

謂匠門  
諸子

離羣祖帳憶

投膠窮通自古殊時命賢否由來善混淆遠望懷歸舟

不繫長歌當哭瘦頻敲秦青老去知音絕韓愈詩成句

法聲飲興酣豪爭渴驥詞鋒精銳截騰蛟醉中真樂何

妨死身外浮名一任拋那用泣岐悲適越不勞荷錘學

封嶠憐君放浪輕簪組笑我迂疎薄斗筲雲漢昭回賡

大雅明夷用晦玩初爻園葵馬踏憂飢腹禁樹雛顛歎

毀巢醕酖且教安鈍拙難將世事比漚泡

書郭都憲手札後

有序

都憲之去位也有力者謀必殺之以其曾為吳江令制其羅織臧罪  
將致而甘心焉滋菴菴舍人貢太學與都憲訂莫逆交於其行也書抵金  
陵吳子服蓋觀察之舊從事也都憲至金陵門初如市制使人偵之  
書其籍明日聞然門生故人無至者子服獨為經紀往來饋問終其事  
未嘗少懈醫士某亦如之嗚呼直道未亡天心必復吏卒方伎中猶有  
人也滋菴頃來淮發行笈偶出是札為余道其詳都憲履險而耳詞  
旨溫厚藹然溢於楮墨之表讀之數過感慨係  
之因題數語其後醫士亦金陵人惜不著其名

恭顯力斃前將軍鉤黨禍由誅李雲牛李洛蜀轍相循

東林黨獄尤紛綸論史心傷千載事忠魂毅魄飛寒燐

先生策名當 聖世肝膽披瀝緣 明君一函封事不

惜死秋霜白日寒青旻僉壬屏息各側目烈焰煽作膏

油焚諸生太學倡舉幡陳 抗論公道伸江東對吏冤

戴盆臯陶無靈獄吏尊何來措大書一紙朱家李篤能

相存吏卒方伎乃有人舍人史筆今龍門傳之游俠吁  
其倫

夏夜戲占示岑

桃笙斗帳晚移牀夢醒三更月滿廊應笑橋南荀奉倩  
青奴相伴只追涼

附錄

依依皎月照藤牀寂寂流螢繞畫廊自有清風消溽  
暑芰荷香動送新涼

紈扇風疎坐笛牀夜深明月轉迴廊莫將伊字書爲  
尹湘竹夫人自有涼

畱農南還過訪酒次縱談仍用寄懷韻五首

掾曹薪正積爲復算鶯遷蜀道幾千里離思六七年且  
稱衣繡客莫問買山錢此日重攜手臨觴兩嗒然

劔閣千重險峨眉萬仞橫探奇思一往叱馭壯君行輸  
粟松潘急歸舟灑灑迎脫身違簿領閒聽上林鶯

兄弟同杯酒淮南亦是家囊清攜藥笈宦冷說蜂衙快  
事添雙犢長驅策兩駟故園三徑好歸計未全差

往者吳山客雲煙遶竹廬笛寒秋水舫花壓美人居夢  
斷錢江雨神縈玉壘書舊游仍地主興發攬吾祛

九 多嚴譴雷霆殷法宮三時望霖雨一極厯恒風卑

搶嗤榆鷓高飛慕弋鴻行藏商耳熱只似語冰蟲

畱農冒暑發船用姜白石集中送王孟玉歸山陰

詩韻相送兼懷田居侍御

駑駘高價驅邊戍千里追風遺赤兔揮汗燕臺觸暑歸  
扁舟棹向烟波去湖山風景與昔同雙峰雲起浮青空  
花間舊識西鄰女映門笑指于思翁湖上紅蕖滿秋浦  
千隊明妝嬌作語桂樹十圍松偃蓋畱農別業近藕花居放浪家山  
心自許天涯兄弟聚淮南奇觀但問巴蜀山劍棧高秋  
巫峽水不游辜負十年閒君歸定醉平湖月好友相招  
浮一葉同看錢江八月潮不然興逐剡溪雪

讀喬南中丞謝恩疏

艱危授命老臣情八十長驅絕域行計日生還玉門道  
應煩聚米奏承明

庭花和四首

色將瑤草儷香引惠風來寄語司花女還教夢裏開蘭

上映炎歊日下蔭清冷水豔質自美人高風比君子蓮

種是小南強開多為晚妝不須誇合德自有夜來香茉莉

移根自紫垣散植儕榆柳榆柳兩星名長日對炎曦清芬故可

久紫薇

附錄



花箭比葉長微風裊露香同心不無意為植向蘭房  
明妝揜翠袖亭亭漾清泚采摘浣晴霞連房數青子  
雪豔花田質人間占晚妝夢回羅幌月嗅得枕稜香  
名重紫微垣花映絲綸閣相對兩忘言紅芳自開落  
海棠開後竟爾枯萎悼之兩截句

名花疑自蕊珠來只向人間整一開不見鶴林殷七七  
竹風梧月助清哀

紅酣花重錦官城占斷芳園二月名此日行吟枯樹賦  
江南愁絕庾蘭成

藤花盛夏復開取涼其下有作

蒼藤纏蔓引龍蛇六月陰多小徑邪為愛清風却炎暑  
晚涼吹落數枝花

### 三訓滋菴

行藏我輩總由天放浪形骸不問年前席漫期宣室詔

滋菴時有期望之語躬耕且戀洛陽田同心最愜奇文賞謝病真嫌

俗物纏杜詩眼中無俗物多病也身輕醉發狂言堪匿笑偏從溺後說灰然

焚草休稱諫諍書十年身世略紛拏元黃象著看疑戰  
木雁材偏嬾卜居 帝里風雲春夢杳江鄉花鳥友于  
如五侯舊事今寥落彈鋏休歌幸舍魚

此日初宜桃葉男香奩句入酒人談徐陵筆映珊瑚豔

韓偓詞融瑞露甘調叶宮商原不如周旋禮法又焉貪  
延青聲價人間重却向昭儀問再三  
滋菴札云和詩讀一過宣  
付君抵上官昭容樓頭  
去取也

最喜追陪此會長每論風雅必傳觴相看花月成賓主  
說向功名任渺茫元亮高眠須盡醉陸終玩世亦佯狂  
海濱二老風流在不是英雄詎敢當  
滋菴醉言有天  
下英雄之目

讀史三首

空聞水旱免三公自古弘羊未就烹若道挽回天意在  
五行誰解說分明  
變理由來倚大臣天和感召豈無人虛傳夢弼求巖急

傳說為霖恐未真  
兼車爭糴太倉陳糠覈猶堪活惰民易子析骸三輔切  
繪圖寧肯告楓宸

夏夜初涼

炎蒸大火未西流一夜涼歸氣似秋北牖桃笙清夢熟  
西風荷葉雨聲幽湖湘正苦靈霖虐京輦方深旱魃憂  
起步空庭明月下露華如水獨夷猶

安宜夜泊感興

斗間光暗一星前悵望星繁月黑天繫艇孤城烟水外  
真如得寶是何年  
真如得寶  
事詳唐書

却寄二首

破題秋夜旅人情夢繞蘭闥枕簟清最是一條衣帶水  
兩行官柳到蕪城

蟲吟唧唧夢初回惟有青奴臥枕隈揮扇不煩銷溽暑  
清風一夜自南來

過秦郵懷滄巖太僕幼日

兩太史

煙銷柳岸曉風清甃社湖天秋水明惆悵懷人不相見  
買魚沽酒過孟城

過露筋祠偶憶致菴太守云露筋當作鹿筋戲有

此作

鹿筋古驛久傳疑大似明妝杜十姨不有臨淄段柯古  
何人為撫酉陽遺

鹿筋之說出江德藻聘北道  
記酉陽雜俎續集載之

邗江道中書興先寄雲間諸友

端居意不快放浪思遠遊昨夜秋風生習習吹扁舟  
葭映楊柳凌亂過汀洲輕橈動連漪狎我饒沙鷗魚酒  
泊孟城歌吹滯邗溝為踐故人期擊楫江海流故人久  
相待悵望川途修華髮各盈顛會合何渺悠遙念吳天  
桂香動機山幽溜箸釵股尊鱸膾當可求為報多置酒  
醉飽消離憂九峰三泖間十日須淹留

東友

笠屐乘新爽同追此日閱筆牀茶竈興端底是平山

和漁洋先生上方寺韻

言尋上方寺灌木鳴玄蟬拂拭半截碑蛟蚪生古烟慨  
茲璠璣蹟棄擲荒岡顛遺文驚老鐵勁筆高誠懸漁洋  
千載人憑弔懷儒仙賡詩仍古韻先後揆名賢我來值  
秋風盥濯臨清泉山川久岑寂雲月空便娟載詠二公  
詩風調何翩翩蘭亭感今昔叩石聲琅然

揚州詠古四首

吳楚江山勢盡來邗溝形勝蜀岡開興亡地入蕪城賦  
南北天分魏帝臺三月烟花迷綺繡六朝金粉暗蒼苔

可憐自古揚州夢只似淳于寄大槐

何處清遊九曲池梅開東閣久無詩尋秋怕踏雷塘土  
弔古心傷董相祠金帶圍空人寂寂玉鈎斜閉草離離  
風簾畫舫紅橋路竟日笙歌事水嬉

北海江南接勝游迷樓遺址問揚州花飛古寺誰爲主  
柳老荒隄不耐秋四鎮沙蟲烟草歇三分明月古今愁  
平山堂上狂呼酒極目江天萬里流

江界風潮簸六鼇巖城日日打驚濤山川換盡梁陳劫  
商賈奇居海岱豪京口貔貅雄北府白門鎖鑰奠神臯  
茱萸灣畔三汊水宮闕翬飛舍利高

江上六首

揚子潮迴趁急流布帆斜日過揚州高旻寺外行宮柳  
拂水搖風景色秋

停船涼入早秋天又枕江濤一夜眠好是東風留客意  
三山列在酒杯前

礮車雲起浪花高白雪千堆捲巨艘咫尺三山風雨急  
廣陵濤勝浙江濤

歌喉玉管寫新腔散入江天對晚涼若此風光寧忍別  
不妨三日繫吳航

對岸螺鬟紅遠青幽尋兩月記經行採芝舊侶都仙去

極目千峰弄淺晴

向與王叟又旦及詹唐二羽士遊  
山中兩閱月三人逝已五年矣

風定黃頭且莫開海門夕沙挾風雷移船月滿新沙嘴  
大有鱸魚受釣來

曉過潤州

新洲水長遠烟濛鐵甕城高曉日曛米老雲山收北固  
騎兵談笑失蕭公沉沙戰舸三春雨嘯月僧樓一笛風  
指點舊游形勝地停橈沽酒話沙蟲

京口雜詠

排空戰艦認昆明江岸常屯北府兵放馬包戈明聖  
日戍樓吹角帶秋聲

寄奴去後六朝空王氣何煩厭祖龍惟有丹陽酒堪飲  
扁舟醉聽佛樓鐘

戴顓家外杏花春笠屐尋幽住浹辰斜日九華山下路  
斷碑豐草鶴林人

淨名堂迴共探幽盡醉題詩多景樓三月金山停鳳舸  
夜闌燈火照揚州

舊事依稀記卯辰月華山館幾登臨

訪北溟太守也

豺狼此日歸

何黨耿耿清江一片心

丹徒舟中

高墉如岸柳如幢曲鎖迴潮下楚江處處激流歸稻壟

行行輪綠蔭船牕山川小別逾千日雲漢殷憂又此邦  
羽扇揮涼聽蟬語白鷗飛起自雙雙

雲陽戲作

鴻鵠山頭雲日晴黃泥壩岸踏車聲請天逾月丹陽尹  
空閉城門斷客行

毘陵道中

秋水照人清吳天曉日明樹深黃歇廟草冷呂蒙營溪  
鳥迎漁父蠻歌和櫓聲蘭陵風景地沽酒異鄉情

奔牛

紫菱紅藕滿清溪苦竹叢深山鳥啼行過奔牛三十里

常州相近日平西

梁溪道中望惠山懷舊游諸子

荆溪朝發船風日自清  
美林塘迴掩映望見龍山尾  
烟景入新涼蘋香漾秋水  
具區知遠近雲矗千峰起  
几案過帆席鬚眉明鏡裏  
頗思秦塢游畏茗淪寒泚  
故人隔存歿歲月倏逾幾  
重來惆悵生柳岸舟頻艤  
林際春申君相看定倒屣

村莊

喬木俯清波村莊隱澗阿  
青山秦望遠白水晉陵多  
秋事歸魚稻香生過芰荷  
芙蓉湖上舫幽興寄烟蓑

惠山口號八首

疎柳長橋雒社祠白鵝紅掌水  
煙姿螺鬟九隴青如黛

合對王家洗墨池

雒社鵝池云是王右軍遺蹟

畫舫湘簾水檻空寺塘涇路碧流通  
好山十里渾難到

徑借張王請客風

此間水神張秉俗有請客風送客雨之謠

蒹葭楊柳水西頭記上溪山第一樓  
桑苧亭前青嶂月品泉沽酒最宜秋

名山再到已三年沸耳松濤澗壑邊  
可惜乖龍雲臥久不教霖雨濕桑田

九峰最數石門幽玉洞珠簾挂上頭  
坐看青螺七十二

金庭何處水烟秋

湖圩開遍水芙蓉  
錫麓空聞日暮鐘  
無復雲林清秘閣  
名香長想異人踪

秦塢名園久姓秦  
清華水木與山鄰  
滄桑咫尺愚公谷

臺榭都非况主人

時鄒氏園  
亭盡圮

水天奇勝在山南  
林際春申擬一探  
華藏精藍嶮峭口  
他時來結小茅菴

放生池觀魚

水木含生趣滄波  
尾鬣舒江湖遊泳  
樂砧几網羅餘靈  
沼開初地宸遊仰  
賜書悠然濠濮興  
寧識我非魚

遊惠山四首

照眼山光翠黛長  
千章夏木蔭寒塘  
停舟再訪煎茶水  
躡屐還登選佛場  
雲鎖巉巖橫傑閣  
泉穿幽隧出迴廊  
盤空更上茅君頂  
萬頃秋濤動混茫

巖嶮天開障具區  
鴻濛烟靄入虛無  
摩娑日月雙丸小  
控引江湖半壁孤  
一勺醴泉清錫氣  
九峰秋雨潤勾吳  
神仙湯沐留桑苧  
畫舸常分調水符

羣龍占斷水雲隈  
秋色蒼茫四望開  
塔挂殘霞留遠照  
松鳴寒雨欲飛來  
疎鐘澗壑流僧梵  
活火風爐瀹茗杯  
憑眺無心更懷古  
晚涼隨意踏莓苔



雲外青山樹外樓水邊古寺岸邊舟全將北地千螺黛  
畫出江南七月秋秘閣雲林名士賞玉簫金管美人遊  
泉標第二從題品借問誰為第一流

惠泉品在第二  
第一乃無定論

題惠山僧煎茶詩卷

錫山有錫山泉清惠山空中乳水盈乍可品泉收第二  
誰能出沒鮫宮鼉窟求中冷慧曉堂開山外宅雲寒水  
碧松杉直竹爐三沸嗅泉香多少詩人遭水厄吳公韻  
事殊可錄以茶易詩僧不俗詩如泉湧積逾多泉作茶  
香日留客三百年來日月遙煎茶詩卷誇牛腰商丘中  
丞老好事編成卷帙留僧寮東山方伯負茶癖裝裹詩

編凡幾冊南村副使作新詠邀我濡毫知不惜山有名  
泉泉有僧扁舟應為煎茶停文園病起猶消渴清泉活  
少引我新詩生

蓉溪夜泊訪舊酒壚因寄王同年消息

漪瀾堂上足淹留玉珮軒前晚泊舟春老記逢茶水厄  
夜分還泥酒壚遊伏生九十身猶健

謂尊人  
先生

董子三年志

未酬好待迴船同買醉錫山明月桂花秋

曉過望亭重寄王同年

水檻曉涼侵嘔啞送櫓音帆開蠡湖遠樹隱御亭深秋  
色吳天早青山茂苑陰東林池畔柳十載故人心

即目

龍滙橋南一水長胥江是處好林塘稻花香裏芰荷冷  
楓柏生紅不待霜

重尋鄒園廢址感興三首

水石園林繡嶂家夔龍天許臥烟霞百年喬木風流盡  
秋草叢生甄叔跡堂名

十載江湖放浪身空思送老傷春申囊慳悵望流觴水

風月何時屬主人

昔曾欲買此園  
雜以他事未果

攬勝空悲玉鹿丘青羊古木化玄虬王珣舍宅他時約  
作達當年自勝流

姑蘇楊柳枝和韻五首

三月作  
補錄

萬樹垂楊蘸碧流絲絲照影弄纖柔紅橋四百胥江路  
披拂春風惹暮愁

深籠紅雨淺凝烟慣與西施罩酒船欲匿漢宮人柳笑  
風光如此却三眠

不分隋隄與灞橋漢南憔悴損枝條風流占斷蘇臺畔  
只許雛姬學舞腰

春光無賴惱吳儂嫁與東風絮滿空賺煞黃鸝巧言語  
一生迷戀綠烟中

韻事蘇臺擅一時柳絲柳絮入新詞吳船鴉軋如花女

爭唱新翻楊柳枝

附錄

和詩

帶雨籠烟映淺流小蠻無力比輕柔憐他二月鶯梭  
巧織就吳波一段愁

金閭兩岸碧于烟竟日長條拂畫船惱亂冶游兒女  
意東風舞倦不成眠

依依新綠暗紅橋飛燕輕盈剪翠條最是蘇臺明月  
夜妒他西子鬪纖腰

愛畫蛾眉似箇儂怕看飛絮點晴空吳娃生小多情  
思一月傷春畫閣中

豔說濺裙水畔時新聲重播義山詞從君要識春深  
淺驗取臨風第一枝

澣野舟中望靈巖諸山

扁舟過楓橋南風吹日夕離離湖上山遙見千峰碧勾  
吳餘霸圖形勝自疇昔黃池事未濟蘇臺已狼藉窈窕  
靈巖姿草冷蒼苔石青松鎖琳宮歲月古今積洞庭烟  
水寬靈境何年闢毛公探神異曠代啓仙籍長史澹蕩  
人放志希遐跡飄飄萍梗踪邈與雲嵐隔憑眺慨興亡  
空翠落帆席何當謝塵勞棲遯此安宅

姑蘇詠古四首

亞字城開霸氣多長橋飛閣俯通波魯周禮樂興椎髻  
吳越風烟散苧蘿麋鹿來遊臺榭古湛盧飛去夢魂叱  
山川形勝分牛斗極目秋光擁翠螺  
布矢亡珠怨未償空聞逆理用魚腸三重且盡宮中甲  
兩邑何求界上桑瀨水蘆津窮士路兜鍪劍盾美人妝  
倒行日暮鳴夷恨破楚門邊秋水長

金精飛越玉烟空往事何煩憶甬東九術事成君子盡  
五湖人遠霸圖終月明虎阜笙歌舫秋老靈巖草木風  
最是翠華巡幸地傳流佳話滿吳中

秋草梧宮輦路賒蘇臺終古擅繁華雄風依舊通閭闔  
雌劍千年愛莫邪白馬自濤潘候水青山常作館娃家  
扁舟笠澤烟波興梅里荒丘又日斜

虎丘紫柏山房訪紫裕副使讀其哭少子及和錢  
夫人詩

劍池林壑暮烟昏繫艇垂楊向寺門別院笙歌傳樹杪  
上方鐘梵出雲根烟霞痼疾人同癖茶果清談夜不喧  
猶有香閨兒女戀斷腸詩律一銷魂

喜晤再復太守暨開藩會符天扉兼懷端揆嗣宗

韋齋

塞垣曾贈繞朝鞭吳苑重逢十八年容鬢共看成老宿

功名誰是畫凌烟  
旗亭高唱三人會  
吟社詩篇二士聯  
聞道張憑方學圃  
相邀同訪孝廉船

胥門夜泊

清切吳歛勝竹枝  
江風秋月動相思  
維舟一夜通波水  
潮滿雞鳴是去時

崑山道中

微茫烟靄洞庭間  
柳浪風蟬畫舫閒  
行過林塘七十里  
一峰天半卓崑山

婁江道中報質菴

駕得琴高赤鯉魚  
烟波欲混五湖居  
靈胥未捲夫椒恨

林屋誰開夏禹書  
鹽豉蓴羹思不減  
秋風海月興何如  
三江勝地連峰泖  
雀舫爐薰久待余

青浦道中寄玉岑

為有莼鱸約探奇  
向九峰鄉書附黃耳  
海艦問青龍客路  
五湖盡秋期  
七夕逢針樓瓜果  
思烟水夢吳淞

午饌得鱸

蟹斲漁標傷具區  
風光略似射陂湖  
紅蓮香稻新春米  
入饌初宜八尾鱸

葺城道上

烟林漠漠九峰青  
秋水揉藍帶淺汀  
風景依稀如舊識

溪山平遠董華亭

遊橫雲山莊

莊為王司農園

輕橈穿曲港九疊橫芙蓉蒼翠入  
迎人躡屐窮諸峰  
輞川傳勝地鹿柴標芳蹤池沼何清冷山骨亦玲瓏  
登陟凌秋霄烟水澄遠空長泖匯江海千里勢何窮  
猿鳥呼空山壑谷懷吾公白雲自孤飛野鶴誰能籠  
古今感陳跡賢達齊窮通雅望企司空慚非陸士龍

登機山望湖作歌寄懷宗伯學士先生

陟機山而遠覽兮五茸秋色朝蒼涼  
圓泖滉漾兮三明鏡吳淞一綫兮三江異派  
同汪洋羣山勾帶翳林薄海

門日月烟茫茫我來吳中遊秋懷鬱鬱黯以傷  
季鷹龜蒙不可見蓴鱸味薄初分嘗筆牀茶竈五湖舫  
左神林屋思徜徉不爾徑泛浮海航三山蓬島波中央  
安期羨門相翱翔君不見陸家兄弟名位高洛陽華亭鶴  
唳摧肝腸路修阻兮天蒼蒼思美人兮不可忘援琴一曲成  
連子海水天風萬里長

橫雲和書山二首兼寄懷天農

偶為名山得此停探奇先上只怡亭  
天開玉鑑環虛碧秋冷芙蓉送遠青  
二陸才名標勝地三江古道辨遙汀  
烟嵐極目川塗渺日暮園林空翠屏

物外清遊總愛閒九峰渾不費躋攀人如谷口桃源裏  
詩在松濤竹韻間遠岫秋雲飛未倦殘陽水鶴暮知還  
桂叢此日堪招飲擬借溪南一桁山

鶴唳亭

司農園  
中亭名

鶴唳名亭在尚書歸意深尊羹鹽豉味入洛亦何心

附錄和詩

邵成楨

溪山有真趣歷歷浣塵容倪黃妙渲染一峰殊一峰  
蠟屐橫雲麓秋草迷行蹤仄磴隨曲折懸崖上玲瓏  
涼風颯然來一洗炎歊空矯首望陸瑁川涂渺何窮  
誰能慕軒冕僕僕干王公緬懷二俊遊局縮歸樊籠

何當飲醇酒一醉齊窮通純鱸歸去來渺渺雲中龍  
塊北春明塵窈窕秋山容志士慕京洛達人戀雲峰  
清河留遺址南村緬芳蹤黃雞催白日誰歌商玲瓏  
鐘鏞發逸響力洗淫哇空傳說在巖野不救枯禾窮  
空將驚人句搔首問天公威鳳翔赤霄肯與凡鳥籠  
瓣香屬南豐講授希王通昌黎有遺言千里隨雲龍  
着意尋幽酒盞停斜通路約上危亭水涵長三分  
白山接崑岡一帶青飛鳥弄晴翻遠岸斷雲銜雨暗  
前汀菱塘歸權烟波闊合伴先生上畫屏

李燦元

薄雲翳遙靄隱現青芙蓉舍舟恣幽討坐臥收九峰  
蘭茗襲衣袂苔蘚印屐蹤林木互掩映池館皆玲瓏  
追陪肆遐矚爽籟澄秋空臨風一長嘯未信有途窮  
平生饒定力行止由天公白鶴翔江渚逸翮安可籠  
中年感謝傳二毛悲文通盡醉揖山靈夔跼追雲龍  
橫雲麓畔畫橈停蠟屐同登聽鶴亭九點烟巒心共  
遠四圍空翠眼俱青竹梧掩映搖虛檻鷗鷺羣飛下  
晚汀記取午橋莊外路秋山十幅鏡中屏

李奎元

暑氣未全歇微涼淡秋容朝來陪蠟屐迤邐登七峰

綠園舊池館司農廊遺蹤亭榭既窈窕木石何玲瓏  
其翃翼精舍縹緲凌虛空登臨亦以暢吟咏無終窮  
東山有佳興未許淹謝公從游信清曠忽若脫樊籠  
洞門鎖白雲聞與澱湖通霖雨久未零何當起臥龍  
畫橈久爲看山停竟日清談坐小亭秋影平分千樹  
綠閒心靜對一眉青濕雲帶雨蒸殘暑水鶴凌風下  
遠汀極目江湖烟草外五茸城闕倚遙屏  
別業蕭然烟景閒七峰暇日共躋攀風流彷彿機雲  
侶談笑淹留水石間青嶂橫雲終古在白龍行雨幾  
時還巖廊正聽尚書履未許移文勒北山



讀橫雲紀游詩敬題二首

王琪

年少才名問陸機  
橫雲秋色攬清輝  
舍清堂上吟詩  
客水影山光翠染衣

探奇竟日得追遊  
綠瑁橫雲一色秋  
賴有新詩能擅  
勝午橋池館最清幽

讀掌垣先生遊橫雲詩不得同遊悵然有作兼東質

菴昆季

步元韻

郭朝祚

名園依谷口  
林木邃山容  
遠水帶三泖  
橫雲亘九峰  
東山履游屐  
賓客躡芳蹤  
濯足臨激湍  
選石坐玲瓏  
登頓轉紆折  
積翠涵秋空  
峭碧仰高軒  
小徑烟雲通

山靈悅清詠  
逸興當何窮  
勝事傳苒城  
臨風企謝公  
我方臥傳舍  
譬彼鳥在籠  
殊慚劉夢得  
妙句探驪龍  
會符新娶小  
妻扁於海石堂  
之別宅  
鍵戶深居同  
人窺之不得戲  
爲四絕句寄會符

一斗珍珠聘箇儂  
金堂近在石堂中  
狂枝不學過牆竹  
高誼人爭羨魏公

豔說蘇臺曹妙清  
玉璋容易弄寧馨  
鄰林阿母憐嬌小  
楚楚腰肢十七齡

名花深閉莫愁堂  
蜂蝶尋香不自量  
懊惱白頭鄰舍客  
不教容易漫窺牆

謂鄰舍老  
馮先生也

郎去蘇州一月程空房獨夜弄機聲千詩製就迴文錦  
要使連波愴別情

盆松和茹征司訓姪

青青黃山松移植當几案誰剪梁棟質而充盆盎翫秧  
針磔蝟毛龍鱗皴鐵幹長養百年久栽培幾葉換盤盤  
更騰上矯矯無選悞臥龍剖石儔煙霞自磨礱枝柯任  
撓屈土壤事壅灌生氣雖扶疎巖壑已殊觀托根豈不  
遠雲海渺天半願言保貞姿悠悠閱歲宴

食鹿眎會符樹百開藩質菴書山即邀同作

斑麟自嚙秋階草叻叻夢斷空山道老夫食指朝動搖

尾肋登盤供一飽銀刀縷切更包炙獻生獻熟兼腸臊  
主人豪興不可羈停杯催放瓊琚詞東方割炙有自譽  
舞陽豕肩安足辭秦庭認馬乃大誤隍中蕉覆爭相持  
人生口腹得喪齊萬羊何如百甕菴君不記昔年遼海  
驅騶驪割鮮飲血呼潼酒短衣射獵秋山西

再調會符六首

此日真逢洛浦仙驚鴻神彩自翩翩李郎貧士能來此  
定借黃姑下聘錢

翠羽明妝出拜時銷魂綽約好腰肢牡丹過雨臨風笑  
畫出徐熙沒骨枝

豈有三生一笑緣似渠消得老奴憐犁雲耨雨閒家具  
一稜去新翻種玉田

斗室藏春自不凡猜多着意用三監風光漏洩防閑裏  
大嚼屠門當解饒

忽漫相逢欲別辰難憑圖畫認真真老夫此去狂多少  
買箇蘇臺泥美人

率意題詩爲妾娘門生幾輩笑猖狂如今也學安昌放  
只筭彭宣到後堂

即席贈薇士太史

宦海江濤比畏途金門舊夢笑齋筭清齋獨夜人如鶴

綵服趨庭樹是珠寡過知君追伯玉生兒祝我似商瞿  
停杯更念同門友謂起陶太史欲寄相思隔泖湖

海石堂留別

海石堂中幾夕留題詩多半說離愁鐵橋洱海他年夢

泖水機山此日秋酷愛少年多笑疾每與書山輩快談竟夕時爲絕倒頗哀

老子失遨遊時再復往蘇未返一痕清徹吳淞遠楓葉蘆花點客舟

水雲亭發船至青浦兩泊偕質菴崑樹夜飲却寄

書山椒圃景范暨十三書記

挂帆猶喜數峰迎野寺村橋記去程張翰舟輕歸興劇  
陸機山遠暮雲橫鱸羹易擷秋蕪滑客路難消夜雨鳴

重向青龍江上泊燈紅酒煖不勝情  
四座雄談接勝流賡詩難忘泖湖秋酒船歌板偕三子  
解舍山花住兩頭逸興淋漓堪續史中年離別怕言愁  
蓬窓聽雨添蕭索水柳依依傷去舟

附質菴和詩

鶴唳灘前擁篲迎吳淞江上送歸程涼風欲動蘭橈  
歇微雨初收海月橫白髮黃雞催曉夢青燈雄劍感  
悲鳴酒闌莫話升沉事惆悵江湖魏闕情

共信中朝第一流回天霜簡肅清秋王章抗直垂青  
史潘岳閒居易白頭是處山川供勝賞竭來花鳥縮

離愁十年記立程門雪今日仍同郭太舟

書山索題陸郎小影

入市羊車看未真丰標錯認謫仙人不知靈氣鍾何許  
重向機雲問後身

瀟灑渾宜入畫圖安仁曇首定何如迷離醉眼瓊枝秀  
傲煞當年女校書

書山和

何須畫幃喚真真洗馬丰姿感路人未許玉兒爭麗  
質斑駁一曲記前身

滴粉搓酥畫作圖盈盈東美比肩如鄂君繡被無消

息誰寄迢迢一紙書

笠澤舟中寄匏園太史

紅杏春雲讌曲江廿年揚馬隔存亡珥貂已自違青瑣  
授簡空懷賦柏梁塗抹郎君新粉墨謂兩公子升沉夢寐舊  
羹牆不鳴幾笑羊公鶴垂老寧荒陸氏莊結柳有文呵  
路鬼彎弧無力射天狼端居厭索詩書債浪跡欣依雲  
水鄉吳苑青山環翠黛瑁湖秋月浸銀塘偶因鱸膾尋  
張翰更爲尊羹訪陸郎興盡却回風雪舫思多重詠溯  
洄章匏園月冷空懸榻醪碧吳淞對晚涼

崑山晚泊

蕭條客路感中元聽雨無眠水竹村酒滌離愁成淺醉  
風傳笑語記銷魂燈搖石塔涵秋影城鎖雲峰隱黛痕  
重到崑山今夜泊海天烟月做黃昏

月夜舟行

路近三江口輕舟泝晚風蛩悲秋夜寂月冷水烟空客  
思蕭騷裏吳歌斷續中洞庭知不遠山影辨鴻濛

學圃聽歌和韻六首

有序

七月既望秋山有學圃之招同集者爲徐殿撰端揆顧編修俠君呂孝廉開藩金上舍會符顧上舍嗣宗李明府質菴李茂才實君張上舍堅孟及主人令子枝百硯江兩茂才座上稱善歌者則鍾君介五年七八張君修來年七十陳君公先六十九徐君長發陸君御維皆五十七吳君上玉李君宛成皆四十五惟沈君青選年差少金石節宣絲竹競奏各出所長皆妙絕倫等秋山執板發聲則孤韻獨流衆喧皆寂蠶

絲烟篆裊繞於空濛杳渺之間高下有無短長頓跌能使聞者心醉神  
移莫能名其所際也夫南曲一道獨擅吳門二十年前每與酒人詞伯  
縱飲徵歌流酒浹日擅其勝者略可倒指比來老輩云亡少年不作停杯  
借問半屬古人而余與秋山端揆六人亦皆年過半百矣天風蕭蕭雲  
馳木落撫時感事慨焉永懷實君作詩  
紀之余次其韻志別囑諸子繼和焉

檻外秋雲樹杪停酒人聲寂為秦青移情不是人間曲  
除却知音未許聽

嚼徵含商辨一毛紛紛蟬鳥失啾嘈停杯韻與秋颺發  
天水澄鮮海月高

白髮龜年結伴來梨園法曲譜傾杯何人即席題佳句  
消得風流鐵笛才

曾記花前鬪柘枝十年江海寄相思雪兒化去花奴死

豔說金荃寫麗詞

觴竿淋漓樂曲和豪吟興為感秋多堂開秀野閒花木  
頭白尊前復此過

醉誦新篇廢夜眠載將風雅入歸船歡場老輩難分手  
悵望秋山圃樹烟

題顧嗣宗歲暮懷人詩卷因懷張檢討日容惠編  
修仲孺汪醴泉顓三四首

驅寒有力敵冰霜歲宴懷人六十章愧說蘇韓門下士

後堂詩酒埒安昌

其見懷句云誰省十年門下士青衫依舊泣西風  
懷正門句云後堂不少安昌客可有彭宣與說詩

千佛名經剩此人生天成佛任紛紛空將貧女閒針線

坐向寒燈刺繡紋

傾倒才名十五年徐凝售去是先鞭異時獨對三千牘

更續豪吟二士篇

十餘年前讀嗣宗端揆所為詩若文期其必遇去年端揆對策第一余為二士篇寄嗣宗焉

索米飢臣不奈何秦雲空詠暮山多江東渭北伊人思

我亦因君和短歌

懷仲孺云長安不少飢方朔若箇偷桃是歲星又顛三句云沙岸潮回秋水闊碧天雲盡暮山多

讀虞山閨秀集唐詩戲傲寄內即用其句四首

只道逍遙是謫仙壺中行坐可攜天畫奩詩筆依然在

虛室焚香獨自眠

論文未有不相思細雨輕寒花落時飛閣捲簾圖畫裏

滿庭山色借吟詩

紅衣落盡渚蓮愁銀漢橫空萬象秋別後相思何所贈

只憑飛夢到瀛洲

深院寥寥竹蔭廊素琴清簟好風涼巖間松桂烟新白

半夜酒醒蘭蕙香

又戲集三首

小簟風來薤葉涼海天秋思正茫茫君才自是清如水

但擁圖書共一牀

林色葱籠玉露秋壁蛩牕月夜悠悠欲知此際相思夢

雲擁笙歌月上樓

寶箏瑤瑟理清風坐對仙樓十二重惟有搜吟遣懷抱

夜深呈月伴芙蓉

綠水園雨中觀劇醉東紫俗韋齋其章斗文敬若

尊一及家乾始纘文兼調慧業雪老楓涇文師

時王長史攜女郎愛生謝司馬攜家  
伶寶生各擅一時之勝故落句云云

綠水亭環亞字欄芙蓉池鎖碧琅玕秋深樹石含清影

雨洗笙歌入淺寒豪士醉麇觴政虐美人曲豔酒腸寬

兩雌各極迷離態領取歸航夢裏看

一作妖韶錯認摩登  
女不是阿難不許看

醉贈俠君太史

酒人詩筆振騷壇詞翰區區曠此官一代元人知總萃

廿年海寓識蘇韓

君刻元人詩集及韓  
蘇詩注海內宗之

名高自得庸流忌道

在何憂仕路難收拾放紛歸大雅磨礱柱石障狂瀾歲

抽橘稅龍洲盡貧典驪裘犢鼻彈秀野尊浮山樹碧妙

巖風送早秋寒登門自昔尊元禮作序今真陋士安

時為  
我作

詩序一瓣香分王宋派虞前揭後定誰看

淶水園鄰朱勛舊趾感而有作

剩水殘山尚一園池臺歌舞得流連頭網花石年年事

艮岳銷沉空野煙

妙巖亭云是妙巖公主遺蹟作詩二首

烽烟寂寂臺城土江水悠悠文選樓想像妙巖池館蹟

水風山木足清遊



靈巖冷落西施跡鶴市銷沈吳女墳猶有六朝金粉恨  
夜深環珮響秋雲

愛生乞詩戲有此贈

捻粉搓酥態未真秋林競愛可憐身雨拖柳線欺垂手  
風嫋鶯簧妒鬱輪繡口停腔偏妮客明眸流盼巧迷人  
湘臯洛浦休相擬此夕行雲別有神

再為愛生弔漢陽都憲二首

臺柏蕭森感舊遊楚天落日大江秋吳閩風雨看歌舞  
心折彭城燕子樓

中丞送老此柔鄉豔說和鳴兩鳳凰今日孤飛隨燕雀

一聲空斷酒人腸

登彌羅閣四首

鬱蕭樓閣逼諸天作鎮東吳地勢偏牛斗星纏迴日馭  
沙蟲塵劫俯人烟山連震澤通閭闔雲接蓬萊下幄佺  
勝日登臨攬秋色下方應已改流年

中天一氣入虛無雲自高飛鳥自孤水劃三江開笠澤  
臺傾百丈失姑蘇捲簾玉女傳天語靜夜銀潢浣斗樞  
漠漠非烟空碧裏真將練馬小東吳

三層樓上足閒情彷彿將身近太清江海秋歸烟樹影  
珮環風約步虛聲高明白與真靈接肅穆常令敬畏生

曾是玉皇香案吏松風雲壑笑通明

道院煙花冷素秋西風晴日共登樓白雲黃鶴撩新句  
紫陌元都感舊游瑤圃吹笙歸碧落羽衣橫笛傲滄洲  
浮生汗漫空投老搔首長天起暮愁



